



V 242

Chamácheme rachafaldras / conexeira,
heite de mandar prender.
Onde me viches na feira
con conexas a vender?

E ti telo, e telo
non o queres dar
cando sexas vella
halo de ghardar / guisar
halo de ghardar / guisar
halo de ghardar / guisar
e ti telo e telo
non o queres dar.

I 371c

Para cuñas pau de toxo,
para eixo o carballo,
para contentalas nenas
a cabezalla do carro.
Para contentalas nenas
a cabezalla do carro.

Chamáchesme moreniña,
heite de mandar prender.
Onde me viches na feira
con morenas a vender?

E ti telo, telo
non o queres dar
e despois de vella
halo de salar.

V 255d

Chámacheme pitucario
porque nacín en xaneiro
inda ti non elo galo
que canta no meu puleiro.

Na beira, na beira,
na beira do mar
hai unha sardiña
pra ir a navegar.
Pra ir a navegar,
pra ir a navegar,
na beira, na beira
na beira do mar.



Xa fun a Marín
xa pasei o mar
xa comín naranxas
do teu naranxal.
Do teu naranxal,
do teu naranxal,
xa fun a Marín,
xa pasei o mar.